



SLUŽBENI GLASNIK GRADA VISOKO

GODINA LV

Visoko, ponedjeljak 31. maj 2021. godine

BROJ 05

83.

Na osnovu člana 10. Privremene statutarne odluke Grad Visoko („Službeni glasnik Općine Visoko“, broj: 5/19), Gradsko vijeće Visoko na 7.sjednici, održanoj 25.07.2021.godine, donijelo je

ODLUKU

Član 1.

Gradsko vijeće usvaja Akcioni plan održivog upravljanja energijom i prilagođavanja klimatskim promjenama (SECAP) Grada Visoko za period do 2030.godine.

Član 2.

Ova Odluka stupa na snagu danom objavljivanja u „Službenom glasniku Grada Visoko.”

Broj: 01/1-02-287/21
Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

84.

Na osnovu člana 28. Zakona o vodama („Službene novine Zeničko-dobojskog kantona broj: 17/07), člana 3. Zakona o komunalnim djelatnostima („Službene novine Zeničko dobojskog kantona broj: 17/08 i 9/11), člana 3. 5. 7. i 13. Odluke o vodovodu i kanalizaciji („Službeni glasnik Općine Visoko“, broj: 04/03, 09/17), člana 122. i 124. Odluke o komunalnom redu („Službeni glasnik

Općine Visoko“ broj: 9/18) i („Službeni glasnik Grada Visoko“, broj:2/20) i člana 10. Privremene statutarne odluke Grada Visoko („Službeni glasnik Općine Visoko“ broj: 5/19), Gradsko vijeće Visoko, na 7.sjednici, održanoj 27.05.2021. godine, donijelo je

O D L U K U

o predaji izgrađene infrastrukture-kanalizacione mreže na lokalitetu Zbilje, Grad Visoko na upravljanje, održavanje i korištenje Javnom komunalnom preduzeću „Visoko“ d.o.o. Visoko

Član 1.

Na osnovu Rješenje (odobrenja za građenje) broj: 03/1-19-3-15/20 od 22.07.2020. godine izdatog od strane Službe za urbanizam, stambene, geodetske poslove i katastar nekretnina, Grad Visoko je putem Službe za lokalni ekonomski razvoj, komunalne poslove, zaštitu okoline i javne nabavke izgradio infrastrukturu-kanalizacionu mrežu na lokalitetu Zbilje, MZ Buci.

Član 2.

Grad Visoko predaje Javnom komunalnom preduzeću „Visoko“ d.o.o. Visoko na upravljanje, održavanje i korištenje izgrađenu infrastrukturu-kanalizacionu mrežu iz člana 1. ove Odluke radi racionalnijeg i funkcionalnijeg upravljanja i korištenja, te zaštite i održavanja infrastrukture-kanalizacione mreže.

Član 3.

JKP „Visoko“ d.o.o. Visoko je dužno da:

- vodi evidenciju o infrastrukturi-kanalizacionoj mreži i istu evidentira u katastar podzemnih instalacija i uređaja koje vodi Služba za urbanizam, stambene, geodetske poslove i katastar nekretnina,
- u cilju omogućavanja nesmetanog odvoda otpadnih voda i funkcionisanja kanalizacione mreže, neprekidno održava u ispravnom stanju infrastrukturu-kanalizacionu mrežu,
- u cilju održavanja, funkcionisanja i zaštite infrastrukture-kanalizacione mreže obavlja i druge poslove iz svoje nadležnosti.

Član 4.

Grad Visoko izgrađenu infrastrukturu-kanalizacionu mrežu na lokalitetu Zbilje prenosi sa pravom upravljanja u korist Javnog komunalnog preduzeća „Visoko“ d.o.o. Visoko bez naknade.

Grad Visoko zadržava pravo vlasništva na izgrađenoj infrastrukturi-kanalizacionoj mreži na lokalitetu Zbilje, koja će se u poslovnim knjigama Grada Visoko voditi kao osnovno sredstvo.

Član 5.

Javno komunalno preduzeće „Visoko“ d.o.o. Visoko će u skladu sa važećim pozitivnim zakonskim propisima sa svakim korisnikom infrastrukture-kanalizacione mreže zaključiti Ugovor o priključku i redovnom održavanju kanalizacione mreže kojim će regulisati međusobna prava i obaveze, a naročito način fakturisanja i

plaćanja cijene za priključak i redovno održavanje kanalizacione mreže.

Član 6.

Cijena priključka na infrastrukturu-kanalizacionu mrežu i za redovno održavanje kanalizacione mreže plaćat će se po cjenovniku usvojenom od strane Gradskog vijeća Visoko.

Član 7.

Grad Visoko zadržava pravo da vrši kontrolu izvršavanja obaveza JKP „Visoko“ d.o.o. Visoko na upravljanju, održavanju i zaštiti izgrađene infrastrukture-kanalizacione mreže, pri čemu je JKP „Visoko“ d.o.o. dužno to omogućiti.

Član 8.

Javno komunalno preduzeće „Visoko“ d.o.o. Visoko će danom stupanja na snagu ove Odluke pristupiti preuzimanju infrastrukture-kanalizacione mreže na lokalitetu Zbilje.

Predstavnici Grada Visoko i JKP „Visoko“ d.o.o. Visoko sačinjit će Zapisnik o preuzimanju infrastrukture-kanalizacione mreže, a od tog dana će se računati rokovi za izvršenje obaveza.

Član 9.

Ova odluka stupa na snagu danom donošenja i objavit će se u „Službenom glasniku Grada Visoko“.

Broj: 01/1-02-288/21
Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

85.

Na osnovu člana 13. Zakona o principima lokalne samouprave FBiH („Službene novine Federacije Bosne i Hercegovine broj: 49/06 i 51/09) i člana 10. Privremene statutarne odluke Grada Visoko („Službeni glasnik Općine Visoko“, broj: 5/19), Gradsko vijeće Visoko, na 7.sjednici, održanoj, 27.05.2021. godine, donijelo je

O D L U K U

**o oslobađanju od obaveze
plaćanja naknade za vatrogastvo za
privredne subjektu području Grada
Visoko**

Član 1.

Ovom Odlukom utvrđuje se mjera oslobađanja od plaćanja naknade za vatrogastvo za privredne subjekte koji djeluju na području Grada Visoko.

Član 2.

Obveznici naknade za vatrogastvo – privredni subjekti oslobađaju se obaveze plaćanja naknade za vatrogastvo za period 01.01.2020 – 31.12.2020. godine.

Član 3.

Ova Odluka stupa na snagu danom objavljivanja u „Službenom glasniku Grada Visoko“.

Broj: 01/1-02-290/21
Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

86.

Na osnovu člana 2. Zakona o osnovama bezbjednosti saobraćaja na

putevima u Bosni i Hercegovini („Službeni glasnik BiH“, br. 6/06, 75/06, 44/07, 84/09, 48/10, 18/13, 8/17 i 9/18), člana 4. i 13. Zakona o cestama Federacije Bosne i Hercegovine („Službene novine Federacije BiH“, br. 12/10, 66/13), člana 10. Privremene statutarne odluke Grad Visoko („Službeni glasnik Općine Visoko“, broj: 5/19), Gradsko vijeće Visoko na 7. sjednici, održanoj 25.07.2021.godine, donijelo je

ODLUKU

**o izmjenama i dopunama Odluke o
organizaciji i sigurnosti saobraćaja na
cestama na području općine Visoko
Član 1.**

U Odluci o organizaciji i sigurnosti saobraćaja na cestama na području općine Visoko („Službeni glasnik Općine Visoko“, broj: 6/09, 1/17 i 10/18) član 13. mijenja se i glasi:

„Zabranjuje se saobraćaj za sva vozila u ulicama Čaršijska i Alije Izetbegovića u periodu od 01.06 do 01.09. u vremenu od 18,00 – 24,00 sati.“

Član 2.

Ostale odredbe Odluke o organizaciji i sigurnosti saobraćaja na cestama na području općine Visoko („Službeni glasnik Općine Visoko“, broj: 6/09, 1/17 i 10/18) ostaju neizmijenjene.

Član 3.

Ova Odluka stupa na snagu danom objave u „Službenom glasniku Grada Visoko“.

Broj: 01/1-02-289/21
Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

87.

Na osnovu člana 2.12 stav (5) Izbornog zakona BiH (“Službeni glasnik BiH”, broj: 23/01, 7/02, 9/02, 20/02, 25/02, 4/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13, 7/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (“Službeni glasnik BiH”, broj: 29/18 i 36/19) i člana 10. Privremene Statutarne odluke Grada Visoko (“Službeni glasnik općine Visoko”, broj: 5/19) Gradsko vijeće Visoko, na 3. sjednici, održanoj 29.01.2021. godine, donijelo je

O D L U K U**o razrješenju predsjednice i članice Gradske izborne komisije Visoko****Član 1.**

Aida Karavelić razrješava se dužnosti predsjednice i članice Gradske izborne komisije Visoko, sa danom 16.01.2021. godine, zbog isteka mandata.

Član 2.

Ova odluka stupa na snagu danom davanja saglasnosti Centralne izborne komisije BiH i objaviće se u «Službenom glasniku Grada Visoko».

Broj: 01/1-02-42/21
Datum: 29.01.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

88.

Na osnovu člana 2.12 stav (5) i (8) Izbornog zakona BiH («Službeni glasnik BiH», broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05,

77/05, 11/06, 24/06, 32/07, 33/08, 37/08, 32/10,18/13, 7/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (“Službeni glasnik BiH”, broj: 29/18 i 36/19) i člana 10. stav 1. tačka 18. Privremene statutarne odluke Grada Visoko („Službeni glasnik općine Visoko“, broj: 5/19) Gradsko vijeće Visoko, na 6. sjednici održanoj 29.04.2021. godine, donijelo je

O D L U K U**o imenovanju predsjednice i člana Gradske izborne komisije Visoko****Član 1.**

Samra Vračo imenuje se za predsjednicu i člana Gradske izborne komisije Visoko.

Član 2.

Mandat imenovane traje sedam godina i teče od dana davanja saglasnosti Centralne izborne komisije BiH na Odluku o imenovanju predsjednika i člana Gradske izborne komisije Visoko.

Član 3.

Ova odluka stupa na snagu danom davanja saglasnosti Centralne izborne komisije BiH i objaviće se u «Službenom glasniku Grada Visoko».

Broj: 01/1-02-218/21
Datum: 29.04.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

89.

Na osnovu člana 2.12 stav (5) Izbornog zakona BiH (“Službeni glasnik BiH”, broj: 23/01, 7/02, 9/02, 20/02, 25/02, 4/04, 20/04, 25 /05, 52/05, 65/05,

77/05, 11/06, 24/06, 32/07, 33/08, 37/08, 32/10 i 18/13, 7/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini ("Službeni glasnik BiH", broj: 29/18 i 36/19) i člana 10. Privremene Statutarne odluke Grada Visoko ("Službeni glasnik općine Visoko", broj: 5/19) Gradsko vijeće Visoko, na 7. sjednici, održanoj 27.05.2021.godine, donijelo je

O D L U K U

o objavljivanju javnog oglasa za imenovanje dva člana Gradske izborne komisije Visoko

Član 1.

Ovom odlukom utvrđuje se objavljivanje javnog oglasa za imenovanje dva člana Gradske izborne komisije Visoko.

Član 2.

U skladu sa Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini ("Službeni glasnik BiH", broj: 29/18 i 36/19), osoba koja je kandidat za člana Gradske izborne komisije Visoko treba ispunjavati sljedeće opće uvjete:

1. da je osoba sa pravom glasa,
2. da je osoba sa odgovarajućom stručnom spremom.

Član 3.

(1) Pored općih uvjeta iz prethodne tačke ovog javnog oglasa, osoba koja je kandidat za člana Gradske izborne komisije Visoko mora ispunjavati i sljedeće posebne uvjete:

1.da ima prebivalište na području Grada Visoko;

2.da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ECTS i

3. da posjeduje iskustvo u provedenju izbora.

(2) Pod iskustvom u provedenju izbora podrazumijeva se:

1. članstvo u izbornoj komisiji i

2. članstvo u biračkom odboru na izborima obuhvaćenim Izbornim zakonom BiH,

(3) Izuzetno od odredbi tačke II stava (1) alineja 1. član izborne komisije može biti osoba sa prebivalištem iz druge općine, ukoliko nema kandidata sa prebivalištem u Gradu Visoko koji ispunjavaju uslove tražene javnim oglasom.

(4) Izuzetno od odredbi tačke II stava (1) alineja 3, član izborne komisije može biti osoba koja ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja sa najmanje 180 ECTS, bez izbornog iskustva navedenog u tački II stav 2.

(5) Izuzetno od odredbi tačke II stava (1) alineja 2, član izborne komisije može biti osoba koja ima završenu višu školu, odnosno VI stepen stručne spreme, ukoliko je potrebno ispoštovati odredbe člana 2.14 stav (1) Izbornog zakona BiH.

(6) Izuzetno, ukoliko ni u ponovljenom postupku raspisivanja javnog oglasa nema kandidata koji ispunjavaju uslove iz tačke II stava (1) alineja 2, član izborne

komisije može biti osoba koja ima završenu srednju školu, odnosno IV stepen stručne spreme .

Član 4.

(1) Sastav Gradske izborne komisije je multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou.

(2) U sastavu Gradske izborne komisije, nastojat će se obzbidjeti ravnopravna zastupljenost spolova u skladu sa Zakonom o ravnopravnosti spolova u Bosni i Hercegovini.

Član 5.

Javni oglas iz člana 1. ove odluke objavit će se u dnevnom listu "Oslobođenje", na web stranici Grada Visoko (<http://visoko.gov.ba>) , na oglasnoj ploči gradske uprave .

Član 6.

Postupak javnog oglasa provest će Komisija za izbor i imenovanja Gradskog vijeća Visoko u skladu sa odredbama Izbornog zakona Bosne i Hercegovine i Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

Član 7.

Komisija za izbor i imenovanja će, nakon provedenog postupka iz člana 6. ove odluke, a najkasnije u roku od 15 dana od dana zaključenja javnog oglasa, podnijeti Gradskom vijeću pisani izvještaj o provedenom postupku javnog oglasa, sa rang listom kandidata.

Član 8.

Člana Gradske izborne komisije Visoko imenuje Gradsko vijeće Visoko, uz saglasnost Centralne izborne komisije Bosne i Hercegovine, na period od sedam godina.

Član 9.

Ova odluka stupa na snagu danom objavljivanja u „Službenom glasniku Grada Visoko“.

Broj: 01/1-02-291/21

Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

90.

Na osnovu člana 10. Privremene Statutarne odluke Grada Visoko ("Službeni glasnik Općine Visoko", broj: 5/19) i člana 5. tačka 1. Odluke Gradskog vijeća Visoko o imenovanju predstavnika-punomoćnika Grada Visoko u skupštine javnih preduzeća Grada Visoko ("Službeni glasnik Grada Visoko", broj: 04/21), Gradsko vijeće Visoko, na 7.sjednici, održanoj 27.05.2021. godine, donijelo je

Z A K L J U Č A K

I

Potvrđuje se odluka predstavnika-punomoćnika Grada Visoko u skupštini javnog preduzeća čiji je osnivač Grad Visoko o usvajanju poslovnika o radu skupštine javnog preduzeća, i to:

- Odluka o usvajanju Poslovnika o radu Skupštine JKP "Visoko" d.o.o. Visoko broj: 35-S/21 od 30.04.2021. godine

II

U skladu sa tačkom I ovog Zaključka, Gradsko vijeće Visoko daje saglasnost na poslovnik o radu skupštine javnog preduzeća, i to:

- Poslovnik o radu o radu Skupštine JKP "Visoko" d.o.o. Visoko broj: 35-S-1/21 od 30.04.2021. godine;

III

Ovaj Zaključak stupa na snagu danom donošenja, a objavit će se u "Službenom glasniku Grada Visoko".

Broj: 01/1-02-281/21
Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

91.

Na osnovu člana 10. Privremene Statutarne odluke Grada Visoko ("Službeni glasnik Općine Visoko", broj: 5/19) i člana 5. tačka 1. Odluke Gradskog vijeća Visoko o imenovanju predstavnika-punomoćnika Grada Visoko u skupštine javnih preduzeća Grada Visoko ("Službeni glasnik Grada Visoko", broj: 04/21), Gradsko vijeće Visoko, na 7.sjednici, održanoj 27.05.2021. godine, donijelo je

Z A K L J U Č A K**I**

Potvrđuje se odluka predstavnika-punomoćnika Grada Visoko u skupštini javnog preduzeća čiji je osnivač Grad Visoko o usvajanju poslovnika o radu skupštine javnog preduzeća, i to:

- Odluka o usvajanju Poslovnika o radu Skupštine JKP "Gradska groblja"

d.o.o. Visoko broj: 100-0883-01/21 od 30.04.2021. godine.

II

U skladu sa tačkom I ovog Zaključka, Gradsko vijeće Visoko daje saglasnost na poslovnik o radu skupštine javnog preduzeća, i to:

- Poslovnik o radu o radu Skupštine JKP "Gradska groblja" d.o.o. Visoko broj: 100-0883- 02/21 od 30.04.2021. godine;

III

Ovaj Zaključak stupa na snagu danom donošenja, a objavit će se u "Službenom glasniku Grada Visoko".

Broj: 01/1-02-282/21
Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

92.

Na osnovu člana 10. Privremene statutarne odluke Grada Visoko ("Službeni glasnik Općine Visoko", broj: 5/19) i člana 5. tačka 1. Odluke Gradskog vijeća Visoko o imenovanju predstavnika-punomoćnika Grada Visoko u skupštine javnih preduzeća Grada Visoko ("Službeni glasnik Grada Visoko", broj: 04/21), Gradsko vijeće Visoko, na 7. održanoj sjednici. 27.05.2021. godine, donijelo je

Z A K L J U Č A K**I**

Potvrđuju se odluka predstavnika-punomoćnika Grada Visoko u skupštini javnog preduzeća čiji je osnivač Grad Visoko o usvajanju poslovnika o radu skupštine javnog preduzeća, i to:

- Odluka o usvajanju Poslovnika o radu Skupštine JP "Visoko Ekoenergija" d.o.o. Visoko broj: 21-IV/21 od 30.04.2021. godine.

II

U skladu sa tačkom I ovog Zaključka, Gradsko vijeće Visoko daje saglasnost na poslovnik o radu skupštine javnog preduzeća, i to:

- Poslovnik o radu o radu Skupštine JP "Visoko Ekoenergija" d.o.o. Visoko broj: 22-IV/21 od 30.04.2021. godine.

III

Ovaj Zaključak stupa na snagu danom donošenja, a objavit će se u "Službenom glasniku Grada Visoko".

Broj: 01/1-02-283/21

Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

93.

Na osnovu člana 10. Privremene statutarne odluke Grada Visoko ("Službeni glasnik Općine Visoko" broj 5/19), člana 5. Odluke o imenovanju predstavnika-punomoćnika Grada Visoko u skupštine javnih preduzeća Grada Visoko ("Službeni glasnik Grada Visoko" broj 04/21), Gradsko vijeće Visoko, na 7.sjednici, održanoj 27.05.2021. godine, donijelo je

ZAKLJUČAK

o davanju ovlaštenja predstavniku - punomoćniku Grada Visoko u Skupštini JKP "Visoko" d.o.o Visoko za razrješenje članova Nadzornog odbora JKP "Visoko" d.o.o Visoko i imenovanje članova Nadzornog odbora na kraći period

I

Gradsko vijeće Visoko ovlašćuje predstavnika - punomoćnika Grada Visoko u Skupštini JKP "Visoko" d.o.o Visoko da razriješi članove Nadzornog odbora JKP "Visoko" d.o.o Visoko u sastavu:

- Almir Hadžiosmanović
- Mirsad Alibegović
- Elmir Omerbegović

II

Gradsko vijeće Visoko ovlašćuje predstavnika - punomoćnika Grada Visoko u Skupštini JKP "Visoko" d.o.o Visoko da izvrši imenovanje članova Nadzornog odbora JKP "Visoko" d.o.o Visoko na kraći period, na najviše tri mjeseca, do konačnog imenovanja članova Nadzornog odbora JKP "Visoko" d.o.o Visoko u sastavu:

- Mirza Omanović
- Fadil Mostić
- Mustafa Kubat

III

Gradsko vijeće Visoko nalaže predstavniku - punomoćniku Grada Visoko u Skupštini JKP "Visoko" d.o.o Visoko da najkasnije, u roku od 15 dana od dana donošenja ovog Zaključka, na osnovu ovlaštenja datih u tačkama I i II ovog zaključka donese potrebne odluke.

IV

Gradsko vijeće ovlašćuje Gradonačelnika Grada Visoko da u skladu sa Zakonom o ministarskim, vladinim i drugim imenovanjima Federacije Bosne i Hercegovine provede postupak i Gradskom vijeću Visoko dostavi prijedlog konačnog

imenovanja članova Nadzornog odbora JKP “Visoko” d.o.o Visoko.

V

Ovaj zaključak stupa na snagu danom donošenja i objavit će se u “Službenom glasniku Grada Visoko”.

Broj: 01/1-02-284/21
Datum: 27.05.2021.godine

PREDSJEDAVAJUĆI
Gradskog vijeća Visoko
Pekić Nikola, s.r.

94.

Na osnovu člana 10. Privremene Statutarne odluke Grada Visoko (“Službeni glasnik Općine Visoko “ broj 5/19), člana 5. Odluke o imenovanju predstavnika-punomoćnika Grada Visoko u skupštine javnih preduzeća Grada Visoko (“Službeni glasnik Grada Visoko “ broj 04/21) , Gradsko vijeće Visoko, na 7.sjednici, održanoj 27.05.2021. godine, donijelo je

Z A K L J U Č A K

**o davanju ovlaštenja predstavniku -
punomoćniku Grada Visoko u Skupštini
JKP “Gradska groblja” d.o.o Visoko za
razrješenje članova Nadzornog odbora
JKP “Gradska groblja” d.o.o Visoko i
imenovanje članova Nadzornog odbora
na kraći period**

I

Gradsko vijeće Visoko ovlašćuje predstavnika - punomoćnika Grada Visoko u Skupštini JKP “Gradska groblja” d.o.o Visoko da razriješi članove Nadzornog odbora JKP “Gradska groblja” d.o.o Visoko u sastavu.

- Emir Osmanbašić
- Nevzeta Begić
- Edin Bukva

II

Gradsko vijeće Visoko ovlašćuje predstavnika - punomoćnika Grada Visoko u Skupštini JKP “Gradska groblja” d.o.o Visoko da izvrši imenovanje članova Nadzornog odbora JKP “Gradska groblja” d.o.o Visoko na kraći period, na najviše tri mjeseca, do konačnog imenovanja članova Nadzornog odbora JKP “Gradska groblja” d.o.o Visoko u sastavu:

- Mugdim Vranac
- Nevzeta Begić
- Almin Marušić

III

Gradsko vijeće Visoko nalaže predstavniku - punomoćniku Grada Visoko u Skupštini JKP “Gradska groblja” d.o.o Visoko da najkasnije , u roku od 15 dana od dana donošenja ovog Zaključka, na osnovu ovlaštenja datih u tačkama I i II ovog zaključka donese potrebne odluke.

IV

Gradsko vijeće ovlašćuje Gradonačelnika Grada Visoko da u skladu sa Zakonom o ministarskim , vladinim i drugim imenovanjima Federacije Bosne i Hercegovine provede postupak i

Gradskom vijeću Visoko dostavi prijedlog konačnog imenovanja članova Nadzornog odbora JKP “Gradska groblja” d.o.o Visoko.

V

Ovaj zaključak stupa na snagu danom donošenja i objavit će se u “Službenom glasniku Grada Visoko”.

Broj: 01/1-02-285/21
Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

95.

Na osnovu člana 10. Privremene statutarne odluke Grada Visoko ("Službeni glasnik Općine Visoko" broj 5/19), člana 5. Odluke o imenovanju predstavnika-punomoćnika Grada Visoko u skupštine javnih preduzeća Grada Visoko ("Službeni glasnik Grada Visoko" broj 04/21), Gradsko vijeće Visoko, na 7.sjednici, održanoj 27.05.2021. godine, donijelo je

Z A K L J U Č A K

o davanju ovlaštenja predstavniku - punomoćniku Grada Visoko u Skupštini JP "Visoko Ekoenergija" d.o.o Visoko za razrješenje članova Nadzornog odbora JP "Visoko Ekoenergija" d.o.o Visoko i imenovanje članova Nadzornog odbora na kraći period

I

Gradsko vijeće Visoko ovlašćuje predstavnika - punomoćnika Grada Visoko u Skupštini JP "Visoko Ekoenergija" d.o.o Visoko da razriješi članove Nadzornog odbora JP "Visoko Ekoenergija" d.o.o Visoko u sastavu.

- Edina Ferizović
- Nađa Brkić
- Almir Osmanbegović

II

Gradsko vijeće Visoko ovlašćuje predstavnika - punomoćnika Grada Visoko u Skupštini JP "Visoko Ekoenergija" d.o.o Visoko da izvrši imenovanje članova Nadzornog odbora JP "Visoko Ekoenergija" d.o.o Visoko na kraći period, na najviše tri mjeseca, do konačnog imenovanja članova Nadzornog odbora JP

"Visoko Ekoenergija" d.o.o Visoko u sastavu;

- Kenan Handžić
- Dženan Bečar
- Mirnes Mušibegović

III

Gradsko vijeće Visoko nalaže predstavniku - punomoćniku Grada Visoko u Skupštini JP "Visoko Ekoenergija" d.o.o Visoko da najkasnije, u roku od 15 dana od dana donošenja ovog Zaključka, na osnovu ovlaštenja datih u tačkama I i II ovog zaključka donese potrebne odluke.

IV

Gradsko vijeće ovlašćuje Gradonačelnika Grada Visoko da u skladu sa Zakonom o ministarskim, vladinim i drugim imenovanjima Federacije Bosne i Hercegovine provede postupak i

Gradskom vijeću Visoko dostavi prijedlog konačnog imenovanja članova Nadzornog odbora JP "Visoko Ekoenergija" d.o.o Visoko.

V

Ovaj zaključak stupa na snagu danom donošenja i objavit će se u "Službenom glasniku Grada Visoko".

Broj: 01/1-02-28/21

Datum: 27.05.2021.godine
Visoko

PREDSJEDAVAJUĆI
Gradskog vijeća Visoko
Pekić Nikola, s.r.

96.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 12.

Privremene statutarne odluke Grada Visoko („Službeni glasnik Općine Visoko“, broj: 5/19), Gradonačelnik donosi:

Z A K L J U Č A K

o utvrđivanju i oglašavanju pozicija u upravne i nadzorne odbore javnih ustanova Grada Visoko

I

U skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13) utvrđuju se upražnjene pozicije u upravnim i nadzornim odborima javnih ustanova Grada Visoko, kako slijedi:

1. Upravni odbor JU za predškolski odgoj i obrazovanje Visoko

- | | |
|---------------|---|
| - predsjednik | 1 |
| - član | 2 |

Članovi Upravnog odbora Javne ustanove imenuju se prema načelu paritetne zastupljenosti osnivača, vijeća roditelja i stručnog osoblja Javne ustanove.

2. Upravni odbor JU Centar za socijalni rad Visoko

- | | |
|---------------|---|
| - predsjednik | 1 |
| - član | 2 |

Nadzorni odbor JU Centar za socijalni rad Visoko

- | | |
|---------------|---|
| - predsjednik | 1 |
| - član | 2 |

Jedan član Upravnog, odnosno Nadzornog odbora Javne ustanove imenuje se iz reda

stručnih radnika zaposlenih u Javnoj ustanovi.

3. Upravni odbor JU Centar za kulturu, sport i informisanje Visoko

- | | |
|---------------|---|
| - predsjednik | 1 |
| - član | 2 |

Nadzorni odbor JU Centar za kulturu, sport i informisanje Visoko

- | | |
|---------------|---|
| - predsjednik | 1 |
| - član | 2 |

Jedan član Upravnog, odnosno Nadzornog odbora Javne ustanove imenuje se iz reda stručnih radnika zaposlenih u Javnoj ustanovi.

4. Upravni odbor JU Gradska biblioteka Visoko

- | | |
|---------------|---|
| - predsjednik | 1 |
| - član | 2 |

Nadzorni odbor JU Gradska biblioteka Visoko

- | | |
|---------------|---|
| - predsjednik | 1 |
| - član | 2 |

Jedan član Upravnog, odnosno Nadzornog odbora Javne ustanove imenuje se iz reda stručnih radnika zaposlenih u Javnoj ustanovi.

5. Upravni odbor JU Zavičajni muzej Visoko

- | | |
|---------------|---|
| - predsjednik | 1 |
| - član | 2 |

Nadzorni odbor JU Zavičajni muzej Visoko

- | | |
|---------------|---|
| - predsjednik | 1 |
| - član | 2 |

Jedan član Upravnog, odnosno Nadzornog odbora Javne ustanove imenuje se iz reda stručnih radnika zaposlenih u Javnoj ustanovi.

II

Utvrdjuje se potreba raspisivanja oglasa za popunu pozicija u upravne i nadzorne odbore javnih ustanova Grada Visoko iz tačke I ovog Zaključka.

Oglas za popunu pozicija iz tačke I ovog Zaključka objavit će se u:

- a) Službenim novinama Federacije Bosne i Hercegovine,
- b) Dnevnim novinama Oslobođenje,
- c) Web stranici GradaVisoko, www.visoko.gov.ba.

III

Krajnji rok za podnošenje prijava na upražnjene pozicije je 15 dana od dana objavljivanja, računajući od datuma objave oglasa u glasilu koje kasnije objavi oglas.

IV

Gradonačelnik će imenovati Komisiju za izbor i provesti postupak u skladu sa Zakonom o predškolskom odgoju i obrazovanju („Službene novine ZDK”, broj: 7/10,8/12) za Javnu ustanovu za predškolski odgoj i obrazovanje Visoko, te imenovati Komisiju za izbor i provesti postupak u skladu sa Zakonom o ministarskim, vladinim i drugim imenovanjima u Federaciji BiH („Službene novine Federacije BiH”, broj 12/03, 34/03 i 65/13) za ostale javne ustanove čije su pozicije utvrđene i oglašene u tački I ovog zaključka, te izvršiti konačno imenovanje članova upravnih i nadzornih odbora javnih ustanova GradaVisoko.

V

Za provođenje ovog zaključka zadužuje se Služba za poslove Gradonačelnice/ Gradonačelnika i Gradskog vijeća Visoko.

VI

Zaključak stupa na snagu danom donošenja i objaviće se u „Službenom glasniku Grada Visoko“.

Broj: 01/2-02-414/21

Datum: 24.05.2021.godine
Visoko

GRADONAČELNIK
mr.sci. Mirza Ganić,
dipl. ing, s.r.

97.

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, broj: 12/03,34/03 i 65/13), člana 12. Privremene statutarne odluke Grada Visoko („Službeni glasnik Općine Visoko”, broj: 5/19), Gradonačelnik donosi:

ZAKLJUČAK

**o standardima i kriterijima za
imenovanje upravnih i nadzornih
odbora javnih ustanova Grada Visoko**

I

Ovim zaključkom utvrđuju se standardi i kriteriji za imenovanje na pozicije u upravnim i nadzornim odborima javnih ustanova GradaVisoko.

II

Kandidati za imenovanja na pozicije u upravnim i nadzornim odborima javnih ustanova treba da ispunjavaju opće i posebne uslove za imenovanje koji su utvrđeni ovim zaključkom.

Opći uslovi za imenovanje su:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1.Ustava Bosne i Hercegovine),
5. da nije u funkciji u političkoj stranci u smisli člana 5. Zakona o ministarskim, vladinim i drugim imenovanjima Federacije BiH („Službene novine FBiH“: broj:12/03, 34/03 i 65/13),
6. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji BiH („Službeni glasnik BiH“, broj 70/08),
7. da nije član nadzornog ili upravnog odbora u više od jednog privrednog društva ili institucije ili ukoliko jeste kandidat će dostaviti ovjerenu izjavu da će po konačnom imenovanju odstupiti sa jedne pozicije u roku od tri (3) dana od dana imenovanja,
8. da nema privatni finansijski interes u javnoj ustanovi za koju se kandiduje
9. da nije osuđivan za krivično djelo i za privredni prestup nespojiv s dužnošću u upravnom odboru u koji se kandiduje, pet godina od dana pravosnažnosti presude, isključujući vrijeme zatvorske kazne,
10. da nije lice kojem je pravosnažnom presudom suda zabranjeno obavljanje aktivnosti u nadležnosti upravnog odbora.

Posebni uslovi za imenovanje su:

1. da imaju završen VSS/VII stepen stručne spreme ili VŠS/VI stepen stručne spreme ili II ciklus bolonjskog sistema studiranja ili I ciklus bolonjskog sistema studiranja (izuzetno za članove upravnog, odnosno nadzornog odbora iz reda zaposlenih u javnoj ustanovi može srednja stručna sprema),
2. da ima najmanje 3 godine radnog staža nakon sticanja zvanja u stručnoj spremi,
3. da nije na poziciji direktora ili člana uprave javne ustanove u okviru koje se kandiduje ili druge javne ustanove, javnog preduzeća ili institucije sa većinskim državnim kapitalom,
4. da posjeduje znanje iz oblasti rada i organizacije javne ustanove,
5. da posjeduje sposobnost za savjesno, odlučno i odgovorno obavljanje upražnjene pozicije,
6. da posjeduje sposobnost nepristrasnog donošenja odluka,
7. da posjeduje komunikacijske i organizacijske sposobnosti,
8. da posjeduje sposobnost upravljanja finansijskim i ljudskim resursima i naklonjenost timskom radu, rezultati rada ostvareni tokom poslovne karijere.

III

Prilikom procjene kvalifikacija i iskustva svih kandidata, pored općih i posebnih uslova uzet će se u obzir i slijedeći kriteriji:

- sposobnost za savjesno, odlučno i odgovorno obavljanje upražnjene pozicije,
- sposobnost nepristrasnog donošenja odluka,

- komunikacijske i organizacijske sposobnosti,
- sposobnost upravljanja finansijskim i ljudskim resursima i naklonjenost timskom radu,
- rezultati rada ostvareni tokom karijere.

IV

Na osnovu ovog Zaključka, Gradonačelnik će imenovati komisije, provesti postupak i u skladu sa Zakonom o ministarskim i vladinim imenovanjima u Federaciji BiH izvršiti konačno imenovanje upravnih i nadzornih odbora javnih ustanova Grada Visoko.

V

Zaključak stupa na snagu danom donošenja i objaviće se u „Službenom glasniku Grada Visoko“.

Broj: 01/2-02-415/21
Datum: 24.05.2021.godine
Visoko

GRADONAČELNIK
mr.sci. Mirza Ganić,
dipl. ing, s.r.

S A D R Ź A J		Strana
I GRADSKO VIJEĆE VISOKO		
83.	Odluka o usvajanju Akcionog plana održivog upravljanja energijom i prilagođavanja klimatskim promjenama (SECAP) Grada Visoko za period do 2030. godine	01
84.	Odluka o predaji kanalizacione infrastrukture na području lokaliteta Zbilje na upravljanje i korištenje JKP „Visoko“ d.o.o. Visoko	01
85.	Odluka o oslobođanju od plaćanja naknade za vatrogastvo za privredne subjekte na području Grada Visoko za 2020.godinu	03
86.	Odluka o izmjenama i dopunama Odluke o organizaciji i sigurnosti saobraćaja na cestama na području Općine Visoko	03
87.	Odluka o razrješenju predsjednice i člana člana Gradske izborne komisije Visoko	04
88.	Odluka o imenovanju predsjednice i člana Gradske izborne komisije Visoko	04
89.	Odluka o objavljivanju javnog oglasa za imenovanje dva člana Gradske izborne komisije Visoko	04
90.	Zaključak o davanju saglasnosti na Poslovnik o radu Skupštine JKP „Visoko“ d.o.o. Visoko	06
91.	Zaključak o davanju saglasnosti na Poslovnik o radu Skupštine JKP „Gradska groblja“ d.o.o. Visoko	07
92.	Zaključak o davanju saglasnosti na Poslovnik o radu Skupštine JP „Visoko Ekoenergija“ d.o.o. Visoko	07
93.	Zaključak o davanju ovlaštenja predstavniku Grada Visoko u Skupštini JKP „Visoko“ d.o.o. Visoko za razrješenje Nadzornog odbora i imenovanje privremenog Nadzornog odbora	08
94.	Zaključak o davanju ovlaštenja predstavniku Grada Visoko u Skupštini JKP „Gradska groblja“ d.o.o. Visoko za razrješenje Nadzornog odbora i imenovanje privremenog Nadzornog odbora	09
95.	Zaključak o davanju ovlaštenja predstavniku Grada Visoko u Skupštini JP „Visoko Ekoenergija“ d.o.o. Visoko za razrješenje Nadzornog odbora i imenovanje privremenog Nadzornog odbora	10

II GRADONAČELNIK		
96.	Zaključak o utvrđivanju i oglašavanju pozicija u upravne i nadzorne odbore javnih ustanova Grada Visoko	10
97.	Zaključak o standardima i kriterijima za imenovanje upravnih i nadzornih odbora javnih ustanova Grada Visoko	12

Izdavač: Grad Visoko, ul. Alije Izetbegovića br. 12A, Visoko

Glavni i odgovorni urednik: Zekija Omerbegović, sekretar Gradskog vijeća, **Telefon:** 032/732-502

Štampa: Grafički obrt „REMIX“ Visoko, **Telefon:** +387 32 746 038, **Mob:** +387 61 780 698